



Ruj. Kami : 70/35599/1200

Tarikh : 15 DEC 1997

Pengarah Urusan,
Smart Glove Corporation Sdn. Bhd.,
No. 12, Lorong Abdul Manan 2,
Jalan Manan, Off Jalan Meru,
41050 Klang,
Selangor Darul Ehsan.

Tuan

Permohonan Untuk Mendapatkan Lesen Pengilang Di Bawah Seksyen 3, Akta Penyelarasan Perindustrian, 1975 Dan Galakan Taraf Perintis Di Bawah Akta Penggalakan Pelaburan, 1986.

Saya adalah diarah merujuk kepada permohonan tuan seperti di atas.

2. Mengenai permohonan untuk Lesen Pengilang, sukacita dilampirkan Lesen tersebut yang telah diluluskan oleh Pegawai Pelesen serta syarat-syaratnya seperti di Lampiran. Butir-butir lesen ini adalah seperti berikut:-

No. Lesen	:	A 011124
No. Siri	:	A 016984
Tarikh Lesen Dikuatkuasakan:		19hb. Ogos 1997.
Tapak Kilang	:	Lot 6487, Mukim Kapar, Batu 5 $\frac{3}{4}$, Jalan Kapar, 41200 Klang, Selangor Darul Ehsan.
Keluaran	:	"Latex and synthetic rubber industrial gloves for electronics and information technology industry, latex and synthetic rubber examination gloves" dan "latex surgical gloves"

LEMBAGA KEMAJUAN PERINDUSTRIAN MALAYSIA
(Malaysian Industrial Development Authority)

Tingkat G, 3 - 6, 9 & 11, Wisma Damansara, Jalan Semantan, Damansara Heights; Peti Surat 10618, 50720 Kuala Lumpur.
Kawat: MIDAMAL Telek: 'MIDA' MA 30752 Telefon: 03-2553633 Fax: 03-2557970

3. Lesen ini atau satu salinan yang diperakui benar, hendaklah dipamerkan di tempat yang mudah dilihat dalam kilang aktiviti pengilangan ini dijalankan. Lesen ini tidak perlu diperbaharui dan adalah sah melainkan telah dibatalkan seperti yang diperuntukkan di bawah Seksyen 6, Akta Penyelarasan Perindustrian, 1975.

4. Mengenai galakan, permohonan untuk mendapatkan galakan Taraf Perintis di bawah Akta Penggalakan Pelaburan, 1986 bagi mengeluarkan "latex surgical gloves" adalah diluluskan manakala galakan Taraf Perintis di bawah Akta Penggalakan Pelaburan, 1986 bagi mengeluarkan "latex and synthetic rubber industrial gloves for electronics and information technology industry" dan "latex and synthetic rubber examination gloves" adalah ditolak seperti yang dimaklumkan menerusi surat MIDA bil. 70/35599/1200 bertarikh 17 November, 1997. Kelulusan galakan Taraf Perintis bagi "latex surgical gloves" adalah tertakluk kepada syarat-syarat berikut:-

- (i) Nilai ditambah: Nilai ditambah keluaran syarikat bagi "latex surgical gloves" hendaklah mencapai sekurang-kurangnya 60 %.
- (ii) Bahan mentah: Sekurang-kurangnya 75% daripada latex yang digunakan untuk mengeluarkan "latex surgical gloves" hendaklah merupakan getah asli tempatan.
- (iii) Akaun Berasingan: Syarikat ini hendaklah menyimpan akaun-akaun berasingan terhadap keluaran yang diluluskan dengan galakan Taraf Perintis dan keluaran-keluaran yang diluluskan tanpa galakan cukai tertakluk kepada syarat akaun-akaun ini dipersetujui oleh Lembaga Hasil Dalam Negeri.

5. Tuan adalah dimaklumkan bahawa kelulusan ini adalah kelulusan untuk projek sahaja. Segala permohonan untuk mendapatkan perlindungan tarif dan pengecualian duti kastam untuk tujuan perkilangan hendaklah dibuat secara berasingan.


6. Tuan juga dinasihatkan supaya memberitahu Tenaga Nasional Bhd., Jabatan Bekalan Air dan Syarikat Telekom Malaysia Bhd. mengenai keperluan sebenar bekalan elektrik, air dan kemudahan telekomunikasi dengan seberapa segera yang boleh. Surat menyurat tuan hendaklah disalinkan kepada MIDA untuk tujuan pengawasan.

7. Enam (6) bulan dari tarikh Lesen dikeluarkan tuan adalah dikehendaki mengemukakan satu laporan berhubung dengan kemajuan-kemajuan yang telah dicapai ke atas perlaksanaann projek tuan masing-masing kepada MIDA dan Bahagian Industri, Kementerian Perdagangan Antarabangsa dan Industri menerusi borang yang disertakan bersama-sama ini.

Sekian, untuk makluman tuan.

“BERKHIDMAT UNTUK NEGARA”

Saya yang menurut perintah



(Chan Boon Liang)
Pengarah
Bahagian Industri Pertanian
b.p. Ketua Pengarah
Lembaga Kemajuan Perindustrian Malaysia

s.k. Ketua Setiausaha
Perbendaharaan Malaysia
Jalan Duta
Kuala Lumpur

Timbalan Ketua Pengarah Teknikal I
Bahagian Teknikal
Lembaga Hasil Dalam Negeri

Pengarah
Bahagian Industri
Kementerian Perdagangan Antarabangsa dan Industri

Pengurus Besar
Perbadanan Kemajuan Negeri Selangor

Pengarah
Pejabat MIDA Negeri Selangor

No Rujukan Fail: 70/35599/1200

No. Siri: A 016984

No. Lesen: A 011124

Nama Syarikat: **SMART GLOVE CORPORATION SDN. BHD.**

**SYARAT-SYARAT LESEN PENGILANG
AKTA PENYELARASAN PERINDUSTRIAN, 1975**

- (a) Tapak Kilang: Lot 6487, Mukim Kapar
Batu 5 ¾, Jalan Kapar
41200 Klang
Selangor Darul Ehsan

tertakluk kepada kelulusan daripada Kerajaan Negeri yang berkenaan
dan Jabatan Alam Sekitar.

- (b) Syarikat hendaklah melaksanakan projek in dalam tempoh 12 bulan dari tarikh kuatkuasa Lesen Pengilang ataupun sesuatu tempoh yang dibenarkan oleh Pegawai Pelesen. Jika projek ini tidak dilaksanakan dalam tempoh yang ditentukan, Lesen boleh ditarik balik.
- (c) Syarikat ini adalah dikecualikan daripada syarat ekuiti. Sekiranya dana pemegang saham syarikat (shareholders' funds) mencapai RM2.5 juta, syarikat hendaklah memaklumkan Kementerian Perdagangan Antarabangsa dan Industri secara bertulis.
- (d) Komposisi Lembaga Pengarah syarikat ini hendaklah, pada umumnya, mencerminkan struktur ekuiti syarikat, dan Kementerian Perdagangan Antarabangsa dan Industri hendaklah diberitahu berkenaan perlantikan serta sebarang penukaran di dalam Lembaga Pengarahnya.
- (e) Syarikat ini hendaklah mengambil serta melatih rakyat Malaysia supaya dapat mencerminkan komposisi berbilang kaum penduduk negeri bagi semua peringkat jawatan.
- (f) Sekiranya syarikat ini bercadang menggunakan jentera-jentera terpakai, kelulusan bertulis daripada Kementerian Perdagangan Antarabangsa dan Industri hendaklah diperolehi terlebih dahulu serta yang mana satu laporan hendaklah dibuat oleh penilai bebas yang diterima oleh Kementerian Perdagangan Antarabangsa dan Industri. Kelulusan Kementerian Perdagangan Antarabangsa dan Industri hendaklah juga diperolehi sebelum sebarang perubahan, tambahan atau pengurangan dicadangkan terhadap mesin-mesin dimana akan terdapat kesan-kesan yang nyata ke atas gunatenaga dan/atau pengeluaran.

(g) Syarikat ini hendaklah seboleh-bolehnya menggunakan perkhidmatan daripada syarikat dan perusahaan kepunyaan rakyat Malaysia dalam konteks Dasar Ekonomi Baru.

(h) Syarikat ini hendaklah mendapatkan kelulusan bertulis daripada Kementerian Perdagangan Antarabangsa dan Industri sebelum menandatangani sebarang perjanjian pemindahan teknologi dengan pihak asing, seperti:-

- Perjanjian Usahasama
- Perjanjian Bantuan Teknikal dan 'Know-How'
- Perjanjian Lesen
- Perjanjian Cap Dagang dan Paten
- Perjanjian Kontrak 'Turnkey'
- Perjanjian Pengurusan

Syarat di atas tidak akan dikenakan bagi pembelian mesin-mesin yang memerlukan perkhidmatan-perkhidmatan pegawai teknik daripada pembuat-pembuat mesin untuk menyelia pemasangan atau operasi permulaan bagi mesin-mesin berkenaan.

(i) Barang-barang keluaran syarikat ini hendaklah mencapai mutu yang diterima oleh Kerajaan Malaysia.

(j) Syarikat ini hendaklah seboleh-bolehnya melantik syarikat-syarikat kepunyaan rakyat Malaysia untuk mengedarkan keluarannya bagi pasaran dalam negeri serta hendaklah juga melantik pengedar-pengedar Bumiputera untuk mengedar sekurang-kurangnya 30% daripada jualannya di pasaran dalam negeri. Pemilihan dan perlantikan pengedar-pengedar, Bumiputera hendaklah dilakukan selepas perundingan dengan Kementerian Perdagangan Antarabangsa dan Industri. Perlantikan syarikat-syarikat asing sebagai pengedar hendaklah mendapat kelulusan daripada Kementerian Perdagangan Antarabangsa dan Industri terlebih dahulu.

(k) Syarikat hendaklah mengeksport sekurang-kurangnya 80% daripada kuantiti yang dikeluarkan bagi setiap keluaran secara langsung ke luar negeri.

(l) Syarikat ini hendaklah melaksanakan projeknya seperti diluluskan tertakluk kepada syarat-syarat yang tercatat di atas dan mengikut undang-undang dan peraturan-peraturan lain yang termaktub di Malaysia.

KEMENTERIAN
PERDAGANGAN
ANTARABANGSA DAN
INDUSTRI MALAYSIA



MINISTRY OF
INTERNATIONAL TRADE
AND INDUSTRY OF
MALAYSIA

AKTA PENYELARASAN PERINDUSTRIAN, 1975
LESEN PENGILANGAN
INDUSTRIAL CO-ORDINATION ACT, 1975
MANUFACTURING LICENCE

No. Siri: **A 016984**
Serial No.:

No. Lesen: **A 011124**
Licence No.:

PADA MENURUT AKTA PENYELARASAN PERINDUSTRIAN, 1975
IN PURSUANCE OF THE INDUSTRIAL CO-ORDINATION ACT, 1975

Saya memberi lesen kepada.....
I license

SMART GLOVE CORPORATION SDN. BHD.

(Nama pemohon/Applicant's name)

untuk bertindak sebagai PENGILANG BERLESEN mulai dari..... **19hb. Ogos, 1997**
to act as *LICENSED MANUFACTURER* as from (Tarikh/Date)

di tempat pengilangan beralamat..... **Lot 6487, Batu 5 3/4, Sementa,**
at the place of manufacturing at

Jalan Kapar, 42100 Klang, Selangor Darul Ehsan

bagi keluaran yang dinyatakan di bawah ini dan tertakluk kepada syarat yang dilampirkan bersama ini:
for product(s) specified hereunder and subject to the conditions attached herewith:

Keluaran:
Product:

'Latex and synthetic rubber industrial gloves
for electronics and information technology
industry, latex and synthetic rubber examination
gloves' dan 'latex surgical gloves'

Bertarikh pada..... **11**.....haribulan..... **Disember**..... 19 **97**
Dated this..... day of....., 19

PEGAWAI PELESEN/
LICENSING OFFICER

ASMAT KAMALUDIN
Ketua Setiausaha

Kementerian Perdagangan Antarabangsa Dan Industri
Malaysia